

OSIGURANJE KLJUČNE OSOBE

Addiko Bank d.d. Sarajevo i Wiener osiguranje VIG: Jedinstvene pogodnosti za mala i srednja preduzeća



Addiko Bank d.d. Sarajevo i Wiener osiguranje VIG klijentima Addiko banke iz segmenta malih i srednjih preduzeća (SME) nude jedinstven osiguravajući proizvod „Osiguranje ključne osobe“.

Riječ je o posebno dizajniranom proizvodu koji je kreiran i namijenjen za mala i srednja preduzeća i u vezi je sa plasmanom kredita pravnog lica ugovorenog u Addiko banci. Ovaj proizvod osigurava otplatu kredita u slučaju smrti (zbog bolesti ili nezgode) direktora, vlasnika ili visokopozicioniranog menadžera pravnog lica, a istovremeno štiti poslovanje pravnog lica.

„Svjesni smo da u savremenom poslovnom okruženju sigurnost i stabilnost predstavljaju ključne faktore uspjeha malih i srednjih preduzeća. Gubitak ključne osobe može imati ozbiljne finansijske posljedice za preduzeće te klijentima kroz proizvod Wiener osiguranja nudimo rješenje uz koje lakše mogu prevazići izazove i očuvati svoje poslovanje.“, istakla je Ena Muratović, rukovoditelj Službe za zastupanje u osiguranju.

Muratović je dodala da je ovaj proizvod jedinstven na našem tržištu jer se polisa Wiener osiguranja ključne osobe ugovara s fiksnom osiguranom sumom uz overdraft, anuitetne i revolving kredite.

U slučaju smrti ključne osobe, Wiener osiguranje VIG isplaćuje banci kompletan iznos ugovorene sume osiguranja, tačnije nedospjeli dio glavnice kredita, dok ostatak iznosa do visine osigurane sume isplaćuje pravnom licu. Polisa osiguranja prati period otplate kredita uz premiju koja zavisi od visine

sume osiguranja. Maksimalan iznos sume osiguranja po polisi osiguranja iznosi 100.000 KM, a ista se može ugovoriti na maksimalno 5 godina.

Više informacija o ovom jedinstvenom proizvodu na našem tržištu i procesu ugovaranja osiguranja moguće je dobiti u poslovnicama Addiko Bank d.d. Sarajevo, kao i na zvaničnoj web stranici Banke (<https://www.addiko-fbih.ba/key-man-protection/>).